



Broj: UP1:01-50-2-3547-1/23
Sarajevo, 14.09.2023. godine

Na osnovu člana 14. stav (2) Zakona o slobodi pristupa informacijama u Bosni i Hercegovini („Službeni glasnik BiH“, br. 28/00, 45/06, 102/09, 62/11 i 100/13), a u vezi sa članom 193. Zakona o upravnom postupku („Službeni glasnik BiH“, br. 29/02, 12/04, 88/07, 93/09, 41/13 i 53/16), rješavajući po zahtjevu Ahmeda Jalovičića iz Sarajeva za slobodu pristupa informacijama od 24. 8. 2023. godine, šefica Kabineta - savjetnik ministra komunikacija i prometa Bosne i Hercegovine, po ovlaštenju ministra komunikacija i prometa Bosne i Hercegovine broj 04-07-2-371/23 od 9. 2. 2023. godine, donosi

RJEŠENJE **o slobodi pristupa informacijama**

Ahmedu Jalovičiću iz Sarajeva odobrava se pristup informacijama po zahtjevu od 24. 8. 2023. godine.

O b r a z l o ž e n j e

Ahmed Jalovičić iz Sarajeva obratio se 24. 8. 2023. godine Ministarstvu komunikacija i prometa Bosne i Hercegovine (u daljnjem tekstu: Ministarstvo) zahtjevom za slobodu pristupa informacijama u skladu sa odredbama Zakona o slobodi pristupa informacijama u Bosni i Hercegovini („Službeni glasnik BiH“, br. 28/02, 45/06, 102/09, 62/11 i 100/13, u daljnjem tekstu: Zakon).

U zahtjevu je navedeno da se traži pristup sljedećim informacijama: 1. *Informacije o trenutnoj brojčanoj nacionalnoj zastupljenosti (Bošnjaka, Srba, Hrvata i Ostalih/Neopredijeljenih) svih zaposlenih u Ministarstvu komunikacija i prometa Bosne i Hercegovine, na način da se dostave posebni podaci po radnim mjestima za državne službenike (rukovodeći državni službenik, šef unutrašnje organizacione jedinice, stručni savjetnik, viši stručni saradnik i stručni saradnik), a posebni podaci za zaposlenike, kao i posebni podaci za zaposlene po ugovoru o djelu ili na određeno vrijeme.* 2. *Informacije o brojčanoj nacionalnoj zastupljenosti (Bošnjaka, Srba, Hrvata i Ostalih/Neopredijeljenih) za lica koja su zasnovala radni odnos u Ministarstvu komunikacija i prometa Bosne i Hercegovine u periodu od 23. 12. 2019. godine do 25. 1. 2023. godine, na način da se dostave posebni podaci po radnim mjestima za državne službenike (rukovodeći državni službenik, šef unutrašnje organizacione jedinice, stručni savjetnik, viši stručni saradnik i stručni saradnik) i posebni podaci za zaposlenike.* 3.

Informacije o brojčanoj nacionalnoj zastupljenosti (Bošnjaka, Srba, Hrvata i Ostalih/Neopredijeljenih) za lica koja su prekinula radni odnos (odlazak u penziju, sporazumni raskid i sl.) u Ministarstvu komunikacija i prometa Bosne i Hercegovine u periodu od 5. 12. 2019. godine do 23. 8. 2023. godine, na način da se dostave posebni podaci po radnim mjestima za državne službenike (rukovodeći državni službenik, šef unutrašnje organizacione jedinice, stručni savjetnik, viši stručni saradnik i stručni saradnik) i posebni podaci za zaposlenike.

U skladu sa članom 11. Zakona, utvrđeno je da je zahtjev uredan.

Postupajući po predmetnom zahtjevu, Ministarstvo je, u skladu sa članom 14. stav (1) Zakona i Vodiča o slobodi pristupa informacijama broj: 01-04-50-2-3460/12 od 28. 5. 2012. godine, poduzelo sve potrebne radnje kako bi prikupilo tražene informacije i razmotrilo sve činjenice i okolnosti koje su značajne za obradu predmetnog zahtjeva.

U konkretnom postupku, podnositelj zahtjeva se informira kako slijedi:

1. Podaci o brojčanoj zastupljenosti u Ministarstvu komunikacija i prometa Bosne i Hercegovine

Državni službenici i zaposlenici

Status zaposlenog	Bošnjaka	Srba	Hrvata	Neopredijeljeni	Ukupno
Rukovodeći državni službenik	2	2	3	-	7
Šef odsjeka	3	2	2	-	7
Stručni savjetnik	13	7	5	0	25
Viši stručni saradnik	4	6	2	1	13
Stručni saradnik	3	7	2	0	12
Zaposlenici	5	7	4	0	16
UKUPNO:	30	31	18	1	80

Napomena: U strukturu zaposlenih nisu uračunati zaposleni koji pripadaju kabinetima ministra i zamjenika ministra (savjetnici i tehnička lica).

2. U traženom period od 23. 12. 2019. do 25. 1. 2023. godine zaposleno je:

- viši stručni saradnik: 2 Srbina
- stručni saradnik: 1 Srbin
- stručni savjetnik: 1 Bošnjak
- zaposlenik: 2 Srbina

3. U period od 5. 12. 2019. do 23. 8. 2023. godine prestao je radni odnos za:

- rukovodeći državni službenik: 1 Bošnjak i 1 Srbin
- šef odsjeka: 1 Bošnjak i 1 Hrvat
- stručni savjetnik: 3 Bošnjak i 1 Srbin

- viši stručni suradnik: 1 Bošnjak
- zaposlenik: 2 Srbin i 1 Hrvat

Napomena: U odgovoru na pitanje broj 2. i 3. nisu evidentirana imenovana lica, niti tehnička lica u kabinetima.

U skladu sa navedenim, odlučeno je kao u dispozitivu ovoga rješenja.

Uputstvo o pravnom lijeku: Protiv ovog rješenja dozvoljena je žalba Žalbenom vijeću pri Vijeću ministara Bosne i Hercegovine u roku od 15 dana od dana njegovog prijema.

U slučaju da podnositelj zahtjeva nije zadovoljan postupanjem ovog organa, ima pravo obraćanja Ombudsmenu za ljudska prava Bosne i Hercegovine, Akademika Jovana Surutke 13, 78 000 Banja Luka.



PO OVEASTENJU MINISTRA
Sanja Skuletić-Malagić

Dostavljeno:

- Ahmed Jalovičić, Behdžeta Mutevelića 8, 71000 Sarajevo;
- spis predmeta;
- a/a.

